

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya
No. Telefon : 03-8882 5562
No. Fax : 03-8882 5569

PENGUMUMAN PENENTUAN HARGA MAKSIMUM BARANGAN HARGA TERKAWAL SKIM HARGA MAKSIMUM MUSIM PERAYAAN DEEPAVALI 2021

PUTRAJAYA, 27 Oktober 2021 - Kementerian Perdagangan Dalam Negeri dan Hal Ehwal Pengguna akan melaksanakan Skim Harga Maksimum Musim Perayaan Deepavali 2021 **sebagai langkah untuk menstabilkan harga barangan keperluan menjelang perayaan Deepavali yang akan disambut pada 4 November 2021 diseluruh negara.**

2. Walaupun negara kita sedang berdepan dengan penularan wabak COVID-19, Skim Harga Maksimum Musim Perayaan Deepavali 2021 wajar dilaksanakan atas justifikasi permintaan orang ramai terhadap barang-barang tertentu masih tinggi untuk menyambut perayaan tersebut. Walaupun negara kita masih dilanda penularan wabak COVID-19, tiada jaminan bahawa peningkatan harga barangan tidak akan berlaku di pasaran walaupun bekalan barangan keperluan semasa adalah mencukupi.

3. Sehubungan itu, pelaksanaan Skim tersebut dibuat dengan beberapa penyesuaian tempoh masa dan barangan untuk memberi ruang kepada peniaga bagi memulihkan perniagaan setelah melalui Perintah Kawalan Pergerakan (PKP) tanpa menjejaskan kepentingan pengguna ataupun peniaga.

4. Pelaksanaan kawalan harga maksimum ini tertumpu kepada memastikan harga barangan terpilih diperingkat pasar-pasar basah dan penjaja kecil terkawal kerana menjadi tumpuan pengguna berbelanja pada musim perayaan. Walau bagaimanapun, di peringkat pasaraya besar harga kebiasaannya lebih terkawal kerana "*economies of scale*" dan model perniagaan serta persaingan yang berbeza.

5. **Perayaan Deepavali** akan disambut pada **4 November 2021** di seluruh negara. Sehubungan itu, **tarikh kuat kuasa Skim ini adalah daripada 1 November 2021 sehingga 7 November 2021 iaitu selama 7 hari. Tempoh pelaksanaan ini adalah bersesuaian mengikut keadaan semasa, iaitu mendatangkan suasana menang-menang kepada pengguna dan peniaga. Pengguna dapat menikmati harga yang berpatutan dan peniaga tidak tertekan dengan tempoh masa pelaksanaan yang terlalu lama.**

6. Kementerian telah mengenal pasti **11 jenis barangan** untuk ditentukan harga maksimum bagi pelaksanaan **Skim Harga Maksimum Musim Perayaan Deepavali 2021**. Jenis barangan yang ditentukan adalah barangan utama yang diperlukan semasa sambutan perayaan Deepavali 2021 dan kesemua barangan ini mendapat permintaan yang tinggi oleh masyarakat yang menyambutnya, oleh itu kawalan harga dibuat ke atas barangan ini bagi menstabilkan harga dan bekalannya di pasaran.

7. Harga maksimum pengeluar, borong dan runcit ditentukan untuk barangan berkenaan bagi 91 daerah di Semenanjung Malaysia, 27 daerah di Sabah dan 1 daerah di Wilayah Persekutuan Labuan. Manakala bagi Negeri Sarawak pelaksanaan Skim hanya melibatkan 4 daerah sahaja berbanding 32 daerah sebelum ini iaitu di Kuching, Sibu, Miri dan Bintulu iaitu kawasan yang mempunyai majoriti masyarakat India meraikan perayaan ini.

8. **Senarai harga** barangan harga terkawal bagi **SKIM HARGA MAKSIMUM MUSIM PERAYAAN DEEPAVALI 2021** adalah seperti berikut:

- (1) Ayam hidup
- (2) Ayam standard (disembelih dan dibersihkan berserta kaki, kepala, hati dan hempedal atau mana-mana bahagiannya)
- (3) Ayam super (disembelih dan dibersihkan tanpa kaki, kepala, hati dan hempedal)

- (4) Daging kambing biri-biri import bertulang
- (5) Telur ayam gred A (berat antara 65.0 gram hingga 69.9 gram sebiji)
- (6) Telur ayam gred B (berat antara 60.0 gram hingga 64.9 gram sebiji)
- (7) Telur ayam gred C (berat antara 55.0 gram hingga 59.9 gram sebiji)
- (8) Cili merah
- (9) Tomato
- (10) Kelapa biji
*(*Harga maksimum di peringkat borong sahaja)*
- (11) Kelapa parut
*(*Harga maksimum di peringkat runcit sahaja)*

9. **Penentuan harga barangan bagi negeri-negeri dibuat mengikut kesesuaian harga pasaran semasa dan mengambil kira faktor perubahan harga, khususnya bagi barangan import yang dipengaruhi harga di negara asal, perubahan kadar tukaran mata wang dan peningkatan kos utiliti penternak.**

10. Adalah diingatkan bahawa **tindakan tegas akan diambil terhadap peniaga yang gagal mematuhi peraturan-peraturan di bawah skim ini.** Mana-mana peniaga yang melakukan kesalahan akan diambil tindakan di bawah Akta Kawalan Harga dan Antipencatutan 2011 dan boleh dikenakan penalti seperti berikut:

- (i) **Kesalahan menjual barangan harga terkawal melebihi harga maksimum:**
 - (a) **Individu;** boleh didenda oleh mahkamah sehingga RM100,000 atau dipenjarakan tidak melebihi tiga tahun atau kedua-duanya atau dikompaun sehingga RM50,000; dan

- (b) **Syarikat;** boleh didenda sehingga RM500,000 atau dikompaun sehingga RM250,000;
- (ii) **kesalahan gagal meletakkan tanda harga berwarna merah jambu** bagi barangan harga terkawal:
 - (a) **individu;** boleh didenda oleh mahkamah sehingga RM10,000 atau dikompaun sehingga RM5,000; dan
 - (b) **syarikat;** boleh didenda sehingga RM20,000 atau dikompaun sehingga RM10,000.

11. Bagi memastikan pematuhan Skim, Kementerian akan mengambil tindakan kompaun serta merta dengan lebih tegas berbanding sebelum ini, iaitu tiga (3) kali ganda dari kadar biasa. Tindakan ini adalah sebagai peringatan dan pengajaran kepada peniaga, memandangkan tempoh masa pelaksanaan telah dipendekkan dan jumlah barangan telah dikurangkan berbanding perayaan sebelum ini.

12. Saya juga ingin memaklumkan bahawa **Kementerian Pertanian dan Industri Asas Tani** akan bekerjasama membuat pemantauan untuk memastikan bekalan barangan adalah mencukupi dan memastikan harga dipasaran adalah berpatutan. Disamping itu, **Pegawai Penguatkuasa Kementerian Perdagangan Dalam Negeri dan Hal Ehwal Pengguna** akan berada di lokasi-lokasi yang menjadi tumpuan orang ramai membeli-belah seperti pasar awam, pasar tani dan pasaraya untuk **menjalankan pemeriksaan dan pemantauan**. Langkah-langkah ini mencerminkan usaha berterusan bagi **melindungi pengguna daripada aktiviti pengambilan keuntungan yang berlebihan oleh peniaga-peniaga yang tidak beretika** semasa musim perayaan.

13. Kementerian turut mempertingkatkan pemantuan harga melalui Pegawai Pemantau Harga yang menjalankan pemantauan harga barangan keperluan asas di seluruh negara.

14. Selain itu, Kementerian telah menyediakan **pelbagai medium penyaluran aduan** bagi memudahkan rakyat mengemukakan aduan berkaitan isu harga. **Kementerian** turut mewujudkan **Skuad Tindakan Aduan Rakyat (STAR)** dalam usaha untuk **menangani aduan** rakyat dengan lebih **berkesan**.

15. Saya menyeru agar perayaan kali ini dapat disambut dengan semangat “Keluarga Malaysia” dan semua pihak memahami situasi semasa dan pada masa yang sama peniaga hendaklah mematuhi arahan yang dikenakan dan mengamalkan sikap beretika dalam menguruskan perniagaan manakala pengguna mestilah mengetahui tanggungjawab dan menggunakan hak mereka. **Saya menyarankan kepada pengguna supaya tidak membuat pembelian berlebihan yang boleh memberi tekanan kepada harga barangan.** Disamping itu, ingin saya ingatkan agar pengeluar, pemborong dan peruncit tidak menaikkan harga secara mendadak selepas berakhirnya pelaksanaan Skim ini.

16. **Tindakan pengeluaran notis di bawah seksyen 21, Akta Kawalan Harga dan Antipencatutan 2011 dilaksanakan** ke atas mana-mana pihak yang didapati menaikkan harga secara mendadak dan ketara. Skim ini akan berjaya sekiranya semua pihak bertanggungjawab dan memainkan peranan masing-masing.

17. Jika didapati ada peniaga yang tidak mematuhi undang-undang berkenaan dengan skim ini, **pengguna boleh menyalurkan aduan** kepada Kementerian ini melalui:

- (i) Whatsapp ke **019- 279 4317**
- (ii) Portal **e-aduan@kpdnhep.gov.my**
- (iii) **Call Centre 1800 886 800**
- (iv) Emel **e-aduan@kpdnhep.gov.my**
- (v) aplikasi telefon pintar **Ez ADU**
- (vi) **Enforcement Command Centre (ECC) 03-8882 6245 / 6088**

**Kementerian Perdagangan Dalam Negeri
dan Hal Ehwal Pengguna
Putrajaya, 27 Oktober 2021**

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidaktentuan. Perdagangan pengedaran perlu kukuh bagi menampikan sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkapi dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam mengurusniaga, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP:

